



JAMHURI YA MUUNGANO WA TANZANIA
WIZARA YA MAMBO YA NDANI YA NCHI
JESHI LA POLISI TANZANIA



OFISI YA:-

MKUU WA POLISI
WILAYA KARIAKOO,
P.O. BOX 9140,
DAR ES SALAAM.

Kumb Na.CGB.795/895/01/27

22/04/2025

KATIBU CHADEMA
JIMBO LA ILALA
DAR ES SALAAM

YAH: KUTOA TAARIFA YA MKUTANO WA HADHARA

Tafadhali husika na somo tajwa hapo juu .

2. Nimepokea barua yako yenye kumb CPM/111/2025/ MKT/01 ya tarehe 16/04/2025 yahusika.
3. Kwa mujibu wa sheria mikutano ya kisiasa imeruhusiwa kufanyika maeneo mbalimbali.
4. Hivyo eneo mlilo litaja la kufanyia mkutano huo la Mtaa wa Nyamwezi na Mkunguni Kariakoo ni eneo lenye watu wengi wanaondelea na shughuli za kibiashara, ili kulinda haki za watu wenye shughuli zingine tunashauri mkutano wenu huo wa hadhara ukafanyike kwenye viwanja vya wazi ambavyo haviwezi kuleta hatari za uvunjifu wa amani.
5. Nawasilisha tafadhali.

J. E. JOSEPH-SSP
MKUU WA POLISI (W) KARIAKOO
DAR ES SALAAM.

Nakala:
RPC (M) ILALA- Kwa taarifa.
MKUU WA (W) ILALA -Kwa taarifa
DSO ILALA- Kwa taarifa

MKUU WA POLISI
WILAYA YA KARIAKOO



KATIBU CHADEMA

JIMBO LA ILALA,

P. O. Box 31191

DAR ES SALAAM

April 22, 2025

Kumb: CDM/ILL/2025/MKT/02

MKUU WA POLISI

WILAYA YA KARIAKOO

S.L.P 9140

DAR ES SALAAM

**YAH: MAJIBU KUHUSU BARUA YA KUHAMISHA ENEO LA MKUTANO WA
HADHARA JIMBO LA ILALA.**

Tafadhali husika na mada tajwa hapo juu.

CHADEMA Jimbo la Ilala tumeona barua yako yenye kumb CGB.795/895/01/27 ikieleza kuhamisha mkutano wa hadhara utakaohutubiwa na Makamu Mwenyekiti Taifa Mh.JOHN HECHHE leo April 22, 2025 katika eneo la mtaa wa Nyamwezi na Mkunguni.

Kwanza napenda kuweka wazi kuwa hatukubaliani na uamuzi wa kuhamisha mkutano huu kwa sababu zifuatazo,

1. Taarifa ya mkutano huu tumetoa polisi tarehe 16.04.2025 siku sita zilizopita na kipindi chote jeshi la Polisi mlilika kimya.
2. Taarifa ya Kuhamisha mkutano huu imekuja masaa machache kabla ya kuanza mkutano na hakukua na udharura huo.Maandalizi yamefanyika kwa asilimia mia moja ikiwa ni pamoja na Matangazo, Jukwaa na Mapambo

-
3. Eneo hilo limekuwa likifanyiwa mikutano na vyama vyote ikiwemo CCM na hatukuwahi kuona zuio au hamisho la aina yotote
 4. Eneo hilo pamoja na mikutano kufanyika,hakuna shughuli zozote zimewahi kusimama na halijawahi kupungua watu
 5. Ni wajibu wa Jeshi la polisi kuhakikisha usalama katika mkutano huu na sio vinginevyo.

Kwa sababu hiyo,tunasisitiza kuwa mkutano huu utaendelea kama kufanyika kama ulivyopangwa awali.Tunasihhi Jeshi la polisi kushirikiana nasi kwa lengo la kuhakikisha mkutano unafanyika kwa amani na utulivu katika eneop tullilopanga.

Wako katika ujenzi wa Demokrasia na Maendeleo

ELIZABETH MAMBOSHO
KATIBU WA JIMBO LA ILALA